

福建通志



福建通志



福建循吏傳卷四

明一

閩縣

許原明初以諸生薦受定海縣丞歲修治海舟官直或不睦結或已給爲吏欺隱故事縣有興作責民一二人主出納謂之庫子所費皆令代輸而促迫之歲弊民產數十家原惻然詣府請其直集里役分授之縣以業海爲生自禁民船出海所恃者田租而里役無藝原令受役準田多少民便之攝知慈谿縣值早禱白龍潭不應察惡吏素爲民患者大書其背曰天不雨此屬爲之也民見之大快雨隨至被議去民老幼號泣送者千人懷一金悉謝道無所受既事已乃還尋以父憂歸

郭柏洪武初任壺關縣丞嘗鑿惠澤池於南關民賴之

陳肅初名大觀字文叔洪武四年以孝弟力田薦太祖喜其容止魁異爲改今名除淮安知府先是盜竊府藏捕弗獲守者皆繫獄肅至似有神啟

福建循吏傳明一

潛伺果得之明年淮安有諸生錢受祿詣闕奏事帝問淮上何官能體朕心對曰惟一知府陳肅即召赴闕擢四川按察使令民毋火葬官給之地父母在者勿異庖婦人勿預訟居二年復徵入朝超拜禮部尚書命下而卒

趙景純初名明景純其字洪武間以國子生擢雲南道御史忤旨奪職爲民更名李潛隱於閩清會大赦乃以字爲名尋被薦爲閩清訓導承樂初擢知上饒縣廉介不避權要正風俗革吏弊均賦役息盜賊三載卒於官檢筭中僅餘白金一兩邑人立祠祀焉

趙彥剛洪武間知萬安縣興學勸農均賦役革吏蠹民有訟立與剖決邑西南寇起親勦撫之代去行李蕭然

林真字汝實永樂乙酉舉人以楊榮薦選庶吉士入經筵侍書出知慈谿縣改補江寧縣上書言時事成祖嘉納再移宜興復族賊龔伯諒詞連無辜辨釋八十餘人卒於官

葉光永樂初以明經薦授南海主簿任政之初凡事避之於尹及攝邑案以廉明稱吏不敢欺民咸歌曰南海簿真不負百萬人中難

林元美名鑑以字行父觀字用賓洪武中隱居不仕性厚而直鄉人化之皆往求質元美登永樂辛丑進士宣德中授上知縣縣土田磽确賦稅多逋元美爲請於朝核其田汙萊者悉蠲之邑尉知學集諸生親爲講論科第始顯山峽中多盜撫以恩信皆向化正統中遷知海寧州州舊置兩軍衛守禦海寇武弁習爲暴元美密條其不法以聞上臺憲總治有一僧自他州至以術惑眾執之熟視曰此越獄盜也訊之果然人以爲神天順初權撫州知府二年致仕歸友人戴宏齡方嚴饋許可對客握元美手曰公有四知諸公知乎歷官知縣知州知府人皆能之至其知足人鮮能也子漸自有傳

黃亭宣德間爲奉化縣丞參政俞士悅以清軍至縣見其冊籍整致大加稱賞布式諸郡

福建循吏傳明一

周恂正統中爲雲和縣丞聞寇入境統兵民勦絕之

張潛字哲之天順己卯舉人授寧國教諭成化中移四會適有海寇潛以策上總兵官陳銳銳不能用十六年擢饒平知縣修教令興學校有斗老謝全者頑梗亂政潛以計捕殺之縣人大悅斗老者言其科取人莫敢誰何也會廣寇充斥督府議其先嘗上策總兵檄領揭陽四邑兵禦之賊平功未及錄而全子訟當道潛不自白鬱惋病疽卒民祀之名宦祠

王俊字世英成化丙戌進士授南京戶部主事出知袁州府風采嚴整凡豪家武斷者一繩以法修學宮濬水利皆爲袁人遠計九載遷廣東參政撫化猛獍廣人德之

黃寓字世用成化丙戌進士歷知武寧當塗江山三縣撫字盡心在武寧時有鈎致流屍折其胷誣爲仇家所毆官久不能辨寓視之曰骨爲毆傷何以從內折外耶誣者遂服陞工部主事改戶部以不合上官歸

鄧拱字宏中祖光字景胸時鄉曲有三患浮屠寺占中達病民出入沿山

田剛燥艱於耕犁山麓溪春常奔決壤民田廬光謀於眾相隙地徙寺渠已田以通水利復築長隄以障狂瀉三患並除洪登成化丙戌進士授常熟知縣邑有巨豪馬凱每一令至即以厚資相結納恣為暴橫瑛廉其罪狀筆稷之御御史畢亨疏其賢人為戶部郎官終貴州參議

鄭珪字文王成化戊子舉人知象山縣權貴不敢干以私時人呼為鄭硬頭孫遜字世美嘉靖庚戌進士官江西按察司僉事綽有祖風時權相嚴嵩奪民漑田湖塘民訴於遜遜命各荷鋤以從羣共開掘頃刻還民高怒甚人皆為避危未幾高敗遜得無恙還廣東布政司右參議

郭拱字元珪成化乙未進士知會稽縣有大豪撓法害閭里拱至召數其罪案以法邑大水饑不待開白即發廩賑乃鑿泄壚水以備旱滂移知秀水訪求民隱而興革之時有郭天堂之謠人為戶部主事卒子軒字瞻夫讀書通大義敦族恤窮遺賢悉推諸弟妹有弟傲弗率軒逾篤愛之再從弟轉幼孤軒延師督訓後轉人仕軒子波字澄卿正德丁丑進士知長洲

福建循吏傳明一
縣初至尚嚴猛巨室無不斂手嘉靖初織造太監張志聰恣睢橫索波持法挫之志聰忿甚設波撓御造龍衣擁徒執而倒曳之車後百姓憤曰令為民受窘辱至此相率奪波去持瓦石擲志聰志聰入奏帝命械繫波下鎮撫司獄南京都御史吳廷舉疏言志聰貪黷狀帝乃降波五秩黜志聰罷之時波已擢都水主事降江西布政司照磨後除肅山知縣

鄒蘊中字德輝成化庚子舉人弘治中除石首教諭多所造就遷貴池知縣與上官議獄弗合拂衣歸家居夫婦織席為食有門生以御史按閩屢候弗見也一指揮持厚賄丐闕說御史求善地蘊中曰此言胡為及我哉強之再三蘊中呼里人欲執詣官指揮乃告實曰御史念公負藉此為餽耳終不納

李廷儀字鳴鳳弘治庚戌進士授定海知縣還順天府通判外戚奪民田廷儀為直其事坐謫六安州同知賑屬邑霍山饑全活甚眾擢江西南安府同知南安號嚴郡賊阻山谷時出剽掠廷儀募能走險者帥之進討俘

新五百餘降渠魁陳能白等數千人督府擢其功廷儀恥于自言遂引疾歸

鄭濬字克明弘治壬戌進士知常熟縣推強植善民號神君累擢高州知府亦有善政去官時民爭留之從弟濬字克達正德己卯舉人官鳳陽府懷遠知縣博學有文名

藍淦字德源正德己卯舉人嘉靖十一年為九江府湖口知縣以課士勸農為務嘗夜半微行見二婦人績久而饒計家中無可為食獨有酒一罌兩婦議存其酒者飲客至底無濁歎曰是酒一清徹底好似藍使君竟不飲翼日遣人厚賜兩婦勞之曰績至夜分動也飲濁存清禮也無濁而終不飲儉也以婦人而知賢其上義也巡按御史至立清廉貪酷四表令屬吏自揣其行立何位次淦攝衣直趨廉字御史曰藍吏之賢尚不止此當更進一步即以第一薦之遷去民為作去思亭

鄒遷字世喬嘉靖戊子舉人知香山縣下車即峻繩里胥賢饒一邑肅然

福建循吏傳明一
治後仁山為豪占贖歸建書院暇則與諸生講學其中奉檄勘新會蒙民所占田歸預備倉縣多寄莊另立順德新會等都推才幹一人為領袖賦役盡完擢嘉興府通判署嘉善有築城功

陳子文字在中嘉靖己丑進士授麻城知縣訟者一見輒能記其姓名里居雖老吏猾胥不能舞文取一錢歷戶部郎出知長沙府巨盜尹大憲阻山環水為寨有捕者輒鳴鼓開水相拒歷數郡守莫能除子文至故緩之偵知賊畜積甚多時竊出交易乃伏壯士數十人水旁一入詎實獲往誘其魁出伏發禽之改知池州府諸生願請業者親與講明經義還湖廣按察副使剿撫諸苗以勞卒於官從孫堯欽字仲敬萬曆癸酉舉人歷漢陽知縣桂林同知亦著廉聲

王子聰字汝達嘉靖甲午舉人知於潛縣大盜鮑遠還等據天目山于聰斬獲二百餘人御史舒汀薦治行第一以艱去再補景寧治如於潛兩邑人並祀之子夢麟字維振隆慶庚午舉人任吉安府通判郡多臚仕夢麟

知縣桂林同知亦著廉聲

執法不少徇遷廣州府積羨餘鹽課六萬緡請編民間糧十萬餘石應永
州桂林府以病調歸夢麟父歿遺四弟貧且得授徒哺之讓宅於弟自做
衙祠以居及歷官俸資悉散諸弟

鄭銘字日新嘉靖丁未進士除太平知縣擢戶部主事歷郎中出知溫州
府倭寇數萬猝至銘棄城守遂塞要害編丁男為什伍身當其銳晝夜不
交馳者月餘賊乃退無何罷官郡人肖像祀之

鄭日休字廷德嘉靖甲子舉人除海寧教諭士以非公廨有司者召而詞
之或遭枉必力為白擢惠州推官持法平允攝博羅縣清稅弊蘇民力以
方勞粹卒於官日休計偕時友人林世和卒京師為歸其喪以女女其
子又官為族人贖所鬻女而嫁之

趙鐵嘉靖末知普寧縣縣治初設鐵單車之任不攜妻子戡盜安民三年
邑大治撤城令惠政有加

李杜字子石萬曆癸酉舉人為浦城教諭遷馬湖推官摘伏如神職鞫多
福建循吏傳明一

所平反嘗捐俸贖民罪一日出獄者四十餘人未幾以人言罷歸

葉公雲字達所萬曆戊子舉人授南靖教諭時縣治新遷學宮草創公雲

課士緝嚴教條整肅士喜得師後陞廣西賀縣知縣

高士奇字懋正萬曆甲午舉人知宿州河決灘水民懸釜炊士奇親詢民

疾苦給以牛種先是戶口多亡通賦以于計士奇招徠復業徵漸如額州

家持吏長短士奇繩以法滅死論成諸豪相戒毋敢犯改知萬州卒

陳兆榮字仁夫號名美萬曆庚子舉人除鹽城知縣縣有草場三千餘畝

故例每電戶人給七畝其餘聽貧民樵採後電戶日強悉為吞噬有樵至

者羣毆之美至復其初縣思海潮溢美造石門以禦潮山東大饑流民數

萬至縣美開倉設飯廠三十六所而自督之歲除猶未歸署也遷深州知

州

葉良漸字海濤萬曆壬子舉人補南直隸靖江知縣自題廳事云心清祇

有松堪對門靜無雀可羅隆武初徵為戶部主事擢員外郎鼎革後杜

門不出
蘇夢陽萬曆間為南京司獄戡獄卒不使患苦諸囚又恐其夜虐之莫之
知也則監懸一銅鉗令曰有虐囚者鳴此獄中肅然其他踐吏稽察撫卹
困苦法甚備未幾轉廣東吏目

侯官縣

林瑛字玉成洪武庚戌舉於鄉授保寧府通判攝府事乃賴呂氏鄉約條
規於郡縣學立為勸懲格期以必行每巡歷屬邑必詢察父老鄉約舉廢
謂民曰盜賊之起由教化之不行也教化行而俗美盜何從起
高吳字汝大洪武末以貢入太學出知常山縣縣大猾出入官署伺隙持
短長為姦利前令莫敢誰何吳曰此不去何以為治即按致其罪當死因
被反噬逮至京得白而羣不逞之徒日夜媒孽其短吳數曰曾參非殺人
者然告者屢至雖其母亦咸焉即謝病歸

鄭路字希玉永樂乙未進士選庶吉士改刑部主事宣德初重郡守之選
福建循吏傳明一

路得寧波黜賊吏抑豪強發奸摘伏老吏懾服禁絕軍民邏捕之擾盜亦

屏息條減織染弓張一局及諸色歲辦節物力汰浮羨修學校廣屬生

徒每蒞政畢輒至明倫堂與諸生質難可否布衣之士識治理者亦延訪

之中官裴可烈以公事至郡貪暴不法路上其罪詔置可烈於法以親去

會海寇入犯民數千詣闕乞留奪情復任路辭不允尋擢浙江參政末上

卒

潘貴承樂中任德安典史德安不習紡績而夏稅有亭布買於他縣不勝

其困貴請於朝改輸棉民以為便

孫珏字士節宣德間以貢入太學與修五經四書大全書成擢常山知縣

調鉛山清動慈惠民懷之秩滿民赴闕乞留遂得再任前後幾二十年

林壤字叔載正統戊午舉人除順天府霸州知州州盜剽掠商旅為患已

久壤廉其九者置之法盜為衰息北地多荒蕪壤教民墾闢量戶給地察

其勤惰而勸懲之踰年田野大治

鄭元韶字志憂嘉靖己酉舉人知善化縣遷松江府同知會巡撫都御史林潤奏請履畝均糧元韶以薦假湖廣按察司僉事銜賜勅專理偏歷阡陌書其步積之數量朕濟分上中下以定賦復請以五年一編徭役著爲令自是每戶一年力役得五載休息焉

施可材官定安興隆慶六年漳州寇莊猷引倭數百渡海夜劫定安可材親率民壯捍禦擄巨斧斬其酋賊乃退駐大底可材與知縣謝應元日巡夜守邑人程大慶出蓄儲以資禦倭知有備乃去

陳一新字惺初侯官人崇禎乙亥歲貢授遂昌訓導以薦辟知雲南定遠縣有黑垠二井俱屬內界居民向食餘鹽時奉有計口食鹽之令一新極力請蠲土司負囑害民以計擒治有婦朱氏前令以謀殺夫擬磔一新詳鞠得情白其冤眾服其明

朱錦字子珍崇禎末任敘州府高縣典史高本夜郎地連僚芒烏撒諸郡蠻習頑梗鐔尙寬大示禮法始就繩束自以早失怙刊行孝弟歌諭民知福建循吏傳明一

愛敬有古循吏風

七

福建通志卷三十六

林桐字正行父宗興字受之遷於易參究揚子太玄明初海內未靖宗興卜未可仕貢通玄堂爲隱居所自號臥玄子桐洪武中舉明經擢第一授順昌訓導改貴溪典史鋤強暴抑兼井盜賊屏息永樂中移天台薦修大典書成擢兵科給事中會台州民台疏乞還治郡帝疑爲黨除籍訓充吏尋起吉安推官緝捕劇惡人稱神明暇則與士人講授經義討論正學士民戴之官德初召補文選司郎中第補字正立以薦授常山縣丞縣苦征役多通負植多方招徠約停民宿逋而課之耕種貧者給牛種再踰年歲大獲輸稅者爭先逋負以清丁母憂民歛金爲賻補取一金祝而授之水曰是即吾受也除服補浮梁

李興字希傑永樂初由國子生授太平府推官用薦擢戶部郎中遷嚴州府知府吏特嚴而撫民以寬與除悉準人情設置衡於市平準交易僅機度緩急預揭爲期民莫敢後宣德初移廣州府治如嚴州秩滿去行李

蕭然

陳復字鼎初永樂甲辰進士授行在戶部主事正統間擢杭州知府廉靜無苛獄訟大省朔望必召耆老言利弊而興革之餘日端坐堂皇與書據講讀律令懷職而已同官左布政孫原貞按察使軒輊仁和知縣許璞皆極一時之選復卒於官杭民罷市巷哭輓倡屬助之乃克歛吏民相率致賻其子盡卻之

陳崇字德宗成化戊戌進士知樂平縣俗生女多不舉婚多違禮崇嚴爲禁革著厚倫正俗二文示之俗稍變擢御史巡按應天發奸摘伏人稱神明性醇謹遇事剛果不避難同列彭程以言事繫獄獨崇具疏論救時論趨焉

阮時懋字勉夫成化丙子舉人授訓導擢慶遠府宜山縣鋤強發奸人稱鐵腕就轉府通判慶遠苦洞夷出掠郡人聞時懋至曰是鐵宜山也無患賊矣時懋爲設方略守禦又請於上官築四關土垣慶遠以安遷思明同福建循吏傳明一

知未任卒孫北字維拱嘉靖舉人終安仁知縣

八

福建通志卷三十六

王介字節父弘治壬子舉人授婺源訓導擢湖廣咸寧知縣詢民利害以丁產定賦額出贖緩易穀萬石正德四年歲饑賴以全活移知江夏遷廣州府通判轉全州知州州人光祿寺丞唐愛倚姻蔭昇爲大學士摘於鄉里介裁抑之被謫改武定軍民府同知介剛正有爲尹二縣民號爲鐵尹其判廣州有金玉滿萬難得府判之謠未期罷歸無擔石儲廖雲翔字鳴和弘治壬子舉人正德中官奉化知縣持身廉介不以家累自隨視民如子未嘗妄鞭扑一人嘗有貧民負官錢以其俸資代之先是邑令謁鎮守市舶內臣率賄左右乃得通雲翔不可曰一錢尺帛皆民脂也竟不與通

王希周字文浩嘉靖己酉舉人授瑞安教諭捐貲振士之貧乏者擢和平知縣至官僅三月有鄰邑人宿東壩張德傑家通判黃佳枉以爲窩盜縱牙爪捕之德傑被逼而死佳因言東壩民盡窩盜欲屠之促知縣同舉希

周不聽佳途夜勒兵開門去希周曰事急矣無如之何拔劍自刎死事竟止

陳學麟字尚經父繼思字一忠嘉靖中倭寇至鄉人皆逃匿繼思以父母老疾獨侍不去賊憐而舍之歲大祲悉散所儲賑給嘗路拾遺金候三日無索者乃捐施貧乏舟覆溺百餘人悉收瘞之學麟舉嘉靖戊午鄉試授番禺教諭擢知高要縣民告子不孝欲斃之學麟留其子署中令晨夕相隨問視數日子大感悟後經其鄉其父母具醵黍遮道謝還潮州同知李仲山朱良保諸寇起兵官欲殺良民數百冒功學麟察無辜並釋之總督怒劾罷歸

王應巡字獻甫萬曆九年以貢生入太學久之授惠安訓導執經問難者踵至遷國子學錄擢雅州知州雅州雜夷俗天全酋高楊二氏構兵而州人閭存義張日成以誣陷繫獄瘐且死應巡察其冤即出之單車按行夷峒中宣威德諭以禍福峒夷咸解散在州六年前後撫按薦劾旁午竟以福建循吏傳明一

資格遷吉府長史王謂曰寡人有庶弟不能和協人其謂我何庶弟者長沙王也應巡以禮諷諭之遂為兄弟如初

長樂縣

王堅字子正洪武庚戌辟至京師試高等授湖廣僉事累轉除刑部郎中以直言忤尚書開濟濟議於帝論嘉興同知至則問疾苦分憂革弊出女四六十二人悉放歸之民情信服

陳祖字富文洪武四年以明經薦授新繁縣丞遷光山知縣一日有羣葉旋舞不下其一落案上取視旁若有竅台吏墮葉跡之果有屍祖曰殺人者葉孔也捕得之果伏辜

方懋字叔勉一字昭宇先世由莆田遷長樂懋舉永樂庚子鄉試知浙江開化縣邑有爭水利者累歲不決懋一言折之輿論大快值大水為災溺死者浮屍蔽江悉收瘞之病者予藥物饑者給薪米全活無算

李叔玉以字行父仕鱗隱居東溪上嘗曰至樂莫如讀書至要莫如教子

叔玉登正統乙丑進士天順中知惠州府勤恤小民咸折豪石郡學火叔玉心計身督廟堂齋舍次第一新

陳大漢字則殷正德辛巳進士授上虞知縣抑巨室伸單弱諸貴有力人弗便之日毀諸上官尋調光山故事光山民調役他縣值歲饑待哺及之大漢抗詞爭曰天降災於下邑奈何又重之虐孽民於道也臺使者無以難寢其役用薦得隰州知州為巡鹽御史所劾然大漢甫至已捐州四門推稅廉聲大起吏部為格御史章遷思恩府同知關水關築壘戢慮蘇王受餘黨俄陳牒歸

葉時敏字志卿萬曆戊子舉人授烏程教諭豪家以私怨構某生扼其入試時敏請於郡乃得試試果雋遷程鄉知縣縣在萬山中俗悍戾與人鬻則預養族之老病貧儒者使服毒或使其子弟殺之以傾怨家盡劫其產名曰瘦馬又毫惡人誘膏粱子弟與博產盡則相與入山為盜名紅鳥賊時敏下令曰市瘦馬者以子弟殺父兄論民有擢壽章者許抵贖金不半福建循吏傳明一

歲草盡瘦馬亦衰止又嚴治博徒置重法紅鳥賊屏跡民又苦礦稅時敏令民盡塞礦而爭於御史御史素重時敏為減十之八通寇李天爵嘯聚綠石坑謀聚令謁府為亂人情震駭城門盡閉時敏自他道歸開門視事如平時誘其魁殺之餘黨悉解還太平府永康知州永康故夷地州治草創無城垣廩舍州守至不能備餽廩家人竟不得食時敏進其父老與課計田糧戶口之數諸項作次第而舉藩司發七白金為繕治費時敏慨然肩之築城垣四百餘丈建學宮及公府吏舍倉庫廟社不期月告成州人休徧不曉詩書乃招客遊入通文藝者三十餘人州自是有弟子員遷衛州府同知督戎諸并欲汰兵時敏曰汰兵無益徒為弁市耳且驅之為盜令巡江上下以獲盜多寡為殿最兵益奮往餉金經數手乾沒時敏呼兵至廳事給之兵大悅又嘗墟西安江山田條免鹽商盤詰清屯田郵郵傳皆百世利

福清縣

陳森洪武間知許州歲歉民多流徙霖導湖水注別壑縱其取魚藉自給全活甚眾

黃須字用之永樂癸未舉人除蕭縣教諭改番禹又改萬安遷瑞州教授改廬州卒蕭俗勤悍士多不學須誘進之遂有舉進士者番禹萬安素尚文須益勵之遂多明經之彥工部員外郎趙鼎卒於交趾有司遞傳歸其骨至萬安失之其子求之弗得須百方爲求得之加贈遺焉

陳嘉宜德八年以薦辟爲海寧主簿縣與海寧十戶所錯處軍縱官馬戕民稼及夜巡擾民嘉宜以夜巡事屬有司馬譽稼者戮傷勿論由是民始獲安

戴渚字文哲天順庚辰進士成化改元除戶部主事遷郎中出爲岳州知府時靖州苗寇連九谿蠻猖獗肆毒渚立法漸次削平九載秩滿民詣闕請留增俸復任陞太僕寺卿

黃泗字尚孔弘治乙卯舉人授陵州學正擢興國知縣劇賊鍾仕錦何積福建循吏傳明一

土

福建通志卷三十六

王騷動江廣開支黨掠興國迺至值焚蕩之餘泗募壯丁守城沿城置警鋪二十四復建樓城上民心以安重構文廟而按追田塘之侵蝕者以贖學移安湖書院於學宮

陳用明弘治間以知印授金壇縣湖溪巡檢率民築隄以備旱澇旁植榆柳以防衝決正德間棄官歸天性好義閭閻平亂林廷玉高文達撫定之用明與有力焉

何世祖字勉翼父思明字致虛正德己卯舉人授瓊上教諭士鮮經術思明嚴立課程時爲講解捐俸葺學宮恤貧士之不能婚葬者世祖嘉靖丙戌進士除知慈谿縣改歸善治事精敏抑豪猾嚴戶口豁虛稅吏胥無所售奸或曰以縣吏有稅契銀曰已徵於科價矣有稅畝銀曰里甲自辦工墨矣其不苟取類此

楊子充字道貴嘉靖甲午鄉試第一授泰和教諭改歸安遷國子博士出爲瓊州府同知瓊在海外黎蠻雜處子充簡騎卒繕營壘練舟師賊徒屏息

建文昌會同樂會三縣縣池嘗視府篆有賊與獄囚謀亂立掩捕之巨族徭役多詭匿乃核丁產行攤平法瓊民稱便

施千祥字子嘉嘉靖乙未進士歷禮部員外郎出爲江西僉事調四川郫灌二縣當巴峽二江水漲膏腴萬頃皆成奔濤千祥築石隄鑄鐵牛以鎮之民賴其利有刑主事孫以非辜罹重辟時天旱禱雨弗應夜夢袁衣博帶者揖而言曰爾存吾孤吾昌昌爾後竟而知有冤闕獄平反之天乃雨擢湖廣按察副使陞陝西參政時大饑諸峽與柳慶以西悉爲搖擄千祥以恩義撫綏之皆解服受約束

張德喜字宗儒嘉靖甲辰進士授寧波推官決獄精慎務考律例參輿論不以明察自矜積年疑獄一訊皆決獄中疫驗囚非常死者皆縱之如期自歸無後者擢戶部主事官至工部郎中

林資深字靜學嘉靖丙午舉人知南雄州改崖州州繁蠻雜處民多失業乃相地濬溝引南北水台注平壤溉田數萬畝黎與多港構難資深撫諭之境内遂安遷高州府同知署化州知州州多火患教民易茅以瓦食諱大獄與監司抵牾乞歸

土

福建通志卷三十六

何邦靖字應元嘉靖甲子舉人授隰縣教諭南陽與懷慶接壤懷慶苦賊重當事議割南陽屬邑益之邦靖上書言棄民罷散狀甚悉竟得免擢崇仁知縣有河枕邑城北河之南淮兌倉在焉邦靖嘗捐俸作南河城與北

防城相峙積儲賴以無恐暇則引諸生講業大學士吳道南其首拔者與推官忤中傷於巡按御史遂挂冠歸從弟邦禮字大中嘉靖丙辰進士除撫州推官有王慶四殺人有司莫能詰逮繫無辜數十人邦禮訊得之當慶四罪他所繫均釋攝府罷倒金盡逐猾吏之齟齬民者東鄉縣多黠盜

盤聚剽掠邦禮親勒兵捕其魁郡中大定以勞卒卒官

鄧天佐字奇才嘉靖甲子舉人除常德府桃源知縣縣家植竹爲籬以規魚利州行多傾覆天佐焚之人大稱便鄭元標以劾張居正戍貴州所過人皆匿避天佐獨迎勞之遷惠州通判治尚廉靜嘗獲盜百置其首於法

陳從教字圭修父若志友二弟終身同業從教第崇禎戊辰進士知高安縣嚴火耗革包攬清馬還均兌還杜侵漁時大帽桶圖盜方授從教守禦具簡秩滿遷為邑香所擠罷去事白補都水知縣擢南京戶部主事勅理鹽政出推揚州事竣陞四川參議分守川北道以憂歸

李允佐字其鼎崇禎甲戌進士知奉新縣縣士瘠賦繁又接壤華林瑪瑙諸山為盜藪允佐增壘堡廣積儲練勇編甲民賴以安政尚簡靜官一年訟獄衰息邑故苦逋賦允佐坐前官累鐫秩歸

連江縣

陳宗同名復以字行正統間由貢生授韶州通判會川廣督造封王巨艦未就使臣刻期報竣撫按以勞民為憂令宗回董其役宗回廉知諸吏胥中飽嚴聞之以溫語誦民而清其工值不日而成然以剛直為時詬病竟棄官歸

鄭師字景輝正統間以貢生為敘州通判當道右富民誣貧者以罪戍明福建循吏傳明一

五

福建通志卷三十六

力爭其冤於是鄭過判之名著九載罷歸其子以故宅承臨構新屋三楹方架梁昨見問何來對曰大人歸自敘州百姓以此饋大人不受彼從車後擲入乃受之昨燈曰此汝屋也吾死不入是後昨病垂絕子婦昇入新室昨足拒於門不得入乃斂於舊室

陳元憲字一章弘治己酉舉人知崇明縣崇明邊海多積沙成洲可作新田有豪族施氏鈕氏交爭鬪殺各聚眾千餘官捕急懼誅遂航海為盜元憲至諭令德業事聞詔賜金幣擢臨江通判討平大帽山賊核所俘內有五十餘人實商也縱遣之遷雲南提舉以親老乞歸子秉謨字文卿嘉靖己酉舉人授新寧教諭擢博羅知縣已有羨金悉以充公費寇據莫村秉謨身率士卒竭其穴平之以不能阿事上官罷歸

林鐸字元和弘治乙卯舉人知績溪縣邑善訟鐸始至訟者盈庭詢之曰令執惟法法由情定訟於令曷若訟於心爾等詭不以情法不汝宥也訟者稍寢邑歲入粟米布緡并錮習羽革之屬儼則紛然鐸視民緩急立程

限民乃紓後與按事者不合欲中傷之遂乞疾歸

俞璵字彥達弘治初以掾任靈山典史時連江定海倉額米派運大金梅花諸所又以他邑糧米撥運本倉吏緣為奸豪右包攬取利民破產無告璵應選在都疏陳其弊朝廷下福建巡撫立革其弊民至今賴之

王一岳字鎮甫嘉靖戊午舉人除襄城教諭應聘京畿同考官首拔李廷機郭子章一時推為冰鑑遷上林知縣民樹七碑記其功歷萬州知州思明府同知攝橫州剿八寨賊賜金幣獎勵都御史海瑞屢疏其賢後以父憂哀毀卒

孫一謙萬歷中南京刑部司獄故事重囚米日一升獄卒輒侵減入而成規又強弱不均有不得食者輕囚入獄則墮置淫穢中勒錢不得不為通饋官亦因以為市一謙一切嚴禁手創一秤秤米計飯日以卯已時按籍分給食甚均因衣敝令浣濯補葺每曹郎視獄問囚有苦欲言苦乎皆對曰孫司獄生我衣食我滿三歲考轉欽州吏目

福建循吏傳明一

六

福建通志卷三十六

陳繼源為大勝關大使商賈皆愛之言今大使不費我錢還温州府司獄窮甚而卻倒金秩滿歸至不能供贍粥依老僕以居

陳思選字可舉天啟間授廣信府司獄日施贍粥衣綿以活囚俸入不繼為家產濟之有權貴誣人重罪欲旦夕置之死思選密縱之權貴素忌會行人吳國華齋勅至思選力為解脫得免擢唐府審理歸

趙九鼎字重于天啟間授義陵州南津關巡檢先是巡檢多失職江盜橫行習為常九鼎巡緝嚴密盜始斂迹父憂歸

羅源縣

陸引字惟遠嚴毅方正不濫交遊鄉人稱為獨鶴洪武中以人材薦入見帝問為政治民之術引對稱旨授象山縣丞給以勅曰往盡乃心勸乃事他日來觀朕將咨焉以考爾職其敬之哉引奉勅感涕抵任勤強植弱常俸外一毫不取計口植蔬以給食家人不知肉味三載以憂勞得疾卒

林高字德崇成化間貢生任廣東連山令連本瘴地民與蠻雜自西賊攻

陷之後公署皆覆以茅市無居民且不知學高招商賈集流亡抑豪淫錫宿負與學校連治華新先時為令者吳人孔鑄亦良吏也高繼其後爾孔林雙美後陞知州子晏由選貢為連教諭署已事有惠政士人愛而思之稱父子清美

林登字時章嘉靖間官烏程縣丞潔躬勵節除殆盡邑人輯其事為邑程政績以示來者

游定國字用卿萬曆間選貢生知鄞縣修咸水武陽二堰沐浮糧五百石令民野塘種芋宅旁種桑鄭大治在任七年當道交薦擢南雄同知署連州知州州素苦寇盜定國練兵備賊不敢犯境既受代去會山賊陷英德定國直入賊壘殲渠魁散脅從改刑府長史尋告歸

古田縣

曾斌字士均永樂辛卯舉人授松陽縣丞就遷遂昌知縣有惠政正統中家居遇賊山谷城中有遂昌人曰故吾邑令也未嘗妄取吾民一毫物羣

福建循吏傳明一

七

編通志卷三十六

章潤字時甫永樂乙未進士授刑部主事遷郎中斷獄無冤時號章鐵板歷官十年所居不蔽風雨御史王寶為構屋居之

林果太順間以太學生除襄陽府同知值兵荒果極意招撫振卹民賴以植王府官校不法即啟王械治之卒於官

永福縣

陳慶字惟一弘治間歲貢生任龍江衛經歷以廉仁著會鄉境賊侵軼郡界勢甚猖獗監司遣慶率羣卒數百拒之卒皆股栗思潰賊聞慶將兵相與議曰陳經歷仁人也吾不忍犯乃釋圍退及慶解官歸他賊意有厚家劫質之以責贖時方嚴寒慶裹衣皆雪葛賊笑而釋之

興化府莆田縣

林洪字文範建文庚辰進士知辰溪縣縣轄五溪諸洞猺獠雜處習頑獷洪躬勸撫字其俗漸化乃闢學宮選其秀俊者讀書習禮其中縣田多荒

蘇康計所收不足充賦額且郵傳費重民多逃徙即條陳入奏得請租額四千餘石郵傳均之旁邑逃徙者乃復九載秩滿遷漳州州同北京營都工方阻洪董甄值之役潔已奉公習業於趨事調處州州有巨猾積威漁竄以賂勢要洪欲除之未獲而先為誣構逮至京備陳其故以聞乃械治巨猾洪得復職命下而洪已卒從弟和字致雍建文己卯舉人授博羅知縣為政寬恕不尚鞭撻增修蘇村堤以備水患民受其利終戶部郎中曾孫瑩字從學弘治壬戌進士擢南京考功郎中遷浙江右參議行部不勤館入口市一菜把入稱烏菜杖塾第壇字世崇正德庚午舉人擢程鄉知縣勤好抑暴有循聲

黃嘉用薦知東鹿縣正統己巳寇焚掠畿甸嘉率眾保陳縣賴以完初嘉繕城隍合環村植柳及寇起柳蔽村騎不得突人稱爲柳城侯始邑戶不滿二千後乃至三千餘都御史陳泰上其治行賜勅旌異

福建循吏傳明一

太

編通志卷三十六

山採木役夫糧運不繼質中移文附近有司貸粟俟運到乃償還朝授淳安知縣縣海寧境多宿猾素難治時按察使周新持法嚴質中請曰民非素頑其得咎由無教也若教復不改置法未晚由是人咸從善而巨奸亦屏息不肆巡按御史以宿憾羅織之改詔州訓導

林庭芳名蘭以字行永樂戊戌進士知新會縣邑有守禦軍久爲暴庭芳繩之始戢民爭水利每以挺刃相殘治其尤無良者以母憂歸後令尚苛虐民弗堪者老談是縣觀道等數百人走京師乞庭芳還治朝議可之蠻人入貢道經邑盜奪其貨即日捕還之久之爲奸人所誣罷歸

鄭述字季述永樂辛丑進士授刑部主事宣德中坐累謫惠州府通判郡負濱海有鹽鐵利兵民商竄滑難治述爲清訟牒均徭役禁暴亂政聲大著郡民好後作而居多茅茨竹椽易招大患述令陶瓦爲棟宇不贖則助之資擢南雄知府地狹民貧且苦役繁述權鹽商定賦取息息輕積聚舉以僱役餘代民雜需新郡縣廟學五日輒一展學宮視諸生所業而激

勵之郡舊有陵陂溉田五十餘頃久廢重築之及郡自張九齡奏開庾嶺植松數十餘里歲久多摧枯述補植之

洪楷字學膺景泰庚午舉人授御史知紹興府賦寬刑平成化七年歲饑瀕海多盜楷防守要隘盜遂屏息復勸富家出粟以貸貧民歲不為害從子珠字玉方正德辛巳進士嘉靖初亦知紹興府建忠臣劉幹先賢尹焞祠封耆儒羅順墓聘禮遺逸若王楚王琥皆躬造其廬一時士氣振起歷官至應天府尹

楊殖宗由吏員為青田典史景泰初盜作殖宗率民兵守黃壇邀賊歸路殺獲無算遷主簿後析置景寧擢知其縣兵火之餘民多失所殖宗抑豪強撫善良官至金華同知

林思承名統以字行父珪字崇信以薦為泉州訓導泉士多廢學珪力誨之科第始盛思承景泰甲戌進士選御史弗就除知黃州州有無田千頃思承奏蠲其稅之半漳河數為患增築隄堰延袤百餘里治屬邑承嗣殺福建循吏傳明一

九

福建通志卷三十六

民承兄任選郎代為祈免思承曰以人命徇人如民父母何卒論如法遷淮安同知揚州大祿奉檄往賑上下賴之尋引疾致仕

林漢字景源景泰丙子舉人為饒州通判王府既專鄱陽珠湖利郡要人又占永豐湖田漢悉奪以還民上供陶器為主者居奇並疏劾之積怨為所中以致客罷饒州民號泣送之境上兄景淳天順中以貢生任中都留守司經歷成化十一年鳳陽饑奏免稅糧四十餘萬

吳繹思初名敷以字行後更字思周天順丁丑進士知德興縣愛民懲吏政暇集諸生督課之民立碑紀其治遷瑞州府同知擢知惠州府屬邑豪怙勢虐民繹思至即繩以法守禦所軍卒忿上官更張舊政將為變繹思出諭之皆羅拜帖服遷潮州其地馱鐵治海泊有司視為金穴繹思以清貧聞海寇猝至慷慨登陴以忠義激發民遂殲其魁擢浙江參政尋遭石布政使致仕歸

王俊字延偉天順間貢生授浙江安吉州訓導民有暴死者里豪詰其妻

據其宅婦開戶自經後其本末告當道治暴惡而表婦烈人曰此縣官職也俊曰學校以風化為首風化以節義為先可置而不問乎

林瑄字以圭成化戊子舉人授鈞州學正兵部尚書馬文升州人也為其鄉擇師謀諸吏部尚書尹旻乃以瑄往九載秩滿擢廣平府清河知縣親藩恣侵民田訟久莫敢決瑄承檄覆勘還諸民馬政有歲額積弊至五倍不可支瑄為規畫節縮疏請如舊著為例牧地舊界僅七百畝奸吏報至八百二十頃而仍徵其糧瑄覈實罷其餘稅縣廢掘地得金銀寶器歸諸公帑以新廟學賑窮民秩滿當道交薦遷長州通判惠政尤著閭閻致仕歸陳裕字孟寬成化壬辰進士使河南管稅潘奔饒還一無所受知永豐縣為瘠壤而民俗頗淳裕開心任真不設鈎距與民期必信賦役重輕差解遠近指掌可數貧極下戶稍資給之上官行部至無一事可問邑有銀礦聞浙寧不逞囑聚攘奪裕白當道集成兵嚴開礦穴乃無事

李德美成化戊戌進士除冀州知州修廢舉墜勸善興學州故土城環城福建循吏傳明一

十

福建通志卷三十六

東北有渠以洩渰沱衡諸水十八年夏雨水大至城壞者二千餘丈州人恟懼德美乃令柵木壅土囊瓦石以蔽水衝水小卻迴薄於西門門且壞德美露頂跣足籲天而號忽有樓且數百乘流下比及門西復上下墜若與會者於是木石可藉而施水不得入乃徐決渠澮以殺其勢越三日而水去明年水患未息德美議修復會物計費經客既定告於上官下合州丁男五千餘人俾就役遂屹然為完城李東陽為撰全城記官至廣東會事

陳愈字師韓成化癸卯舉人除岳州通判湖廣民困重賦催科吏復入常例錢愈悉更之盜尹大老抄掠洞庭間商民思苦愈用裾縫法擒之巡撫都御史疏薦之而愈卒

鄭敬道字自修祖儼景泰癸酉舉人歷萬安河源青陽教諭所至峭直持正而在河源最久其遺愛存焉敬道宏治甲子舉人授曹縣教諭擢河源知縣賊曾廖相相等據險搆亂敬道伴傳檄為撫而勒兵從間道出不意勦

之民有李甲者與博羅聞氏有仇甲父病且死乃密昇至聞所冀中以奇禍聞氏詣訴發道跡甲甲逃矣乃令聞同里人證甲立讞白當道後甲父死甲果控聞當道出故讞抵甲罪聞氏誣白實江驛承華某翁司巡微怨家誣其縱盜坐繫獄敬道廉其枉解之尋引疾致仕

陳景弼弘治間上疏言時政授潮州府知事署海陽饒平二縣事愛惜民財不畏強禦有給事中以使事過里藹貨無厭景弼率衛卒發其囊送其贓物於府庫時論壯之同縣吳孟謙弘治間承廣州府順德縣民供折柴薪錢孟謙曰承何功受此哉其後廣州累歲兵興孟謙供饒軍放水陸盤運風雨泥爛數損於舊悉以已俸償之人無知者卒於官

李純字在誠正德戊辰進士知懷寧縣興學育才修城鑿井毀淫祠創社學遷知新州善剖決豪猾莫敢肆再補欽州障江水護州城其功尤大蠻民亂平之安南敗兵抵欽餽金求容納卻其金遂倭出境擢韶州同知致仕歸

福建循吏傳明

三

福建通志卷三十六

林寬正德間為南康府通判當宸濠兵變後招民歸耕九姓漁戶構亂討平之巡撫都御史王守仁唐龍交薦焉

陳祥麟字士仁嘉靖丙戌進士除湖廣東安知縣會朝命征田州土兵過縣祥麟措置得宜犒餉具而民不擾官徭役革浮費均田增里拓城興學毀淫祠禁巫覡改諸佛祠為書院以肅能調麻城尋以病足疏改湖州教授遷南京刑部主事領提獄令人灑濯囹圄不苛禁之歷郎中在刑部五年尚書聞淵深倚之遷姚安知府力求利病鄰郡重獄未決者咸委質焉調南安府擢山西按察副使領提學道以積勞卒

陳光華字道鑑嘉靖己丑進士知祁門縣調溧水溧水學舍卑圯於水有玄妙觀地夾境擬遷觀中真武像白人昇之不得前光華為文告之還舉邑人稱為神君擢南京戶部郎遷雲南知府黔國公沐朝輔卒其妻陰取他人子為繼弟朝弼請于朝旨下巡撫勘問巡撫才光華以屬之黔國妻賂萬金峻卻之以實聞陞山東鹽運使轉雲南參政詔下雲南鑄錢光華

謂鑄錢雲南必開九隆之銅汰澗澮之金將來穴臺啟靈為一方害當別購銅成之吏部尚書李默為趙文華所傾得罪憾者指光華為默黨落職家貧僦屋而居

昌應倉嘉靖庚子舉人知漢川縣縣當漢江下流土田歲被淹沒應會極意拊循輕徭緩賦景王出封安陸奏請莊田闡入漢川中璫乘勢橫索應會持之中璫怒奏逮繫武昌者累月漢川民千餘人哭白其罪始得直尋遷廣州同知終長史

游日章字學綱嘉靖己未進士授臨川知縣政尚寬厚而獨嚴於豪右值流寇至開城納民并力守禦賊遁去居五年擢刑部主事歷郎中萬曆初遷廉州知府廉俗婚姻以橫鄉為定中有悔者乃教之作聘書依古禮監司每斃民杖下長吏不敢言日章獨爭之多所存活又錫倖造永濟橋郡人利之及卒貧甚民助之歸喪子伯槐子登輔萬曆丁未進士歷官廣東參政備兵廉州視廉民若家人父子益舉日章舊政而光大之就遷按察使

福建循吏傳明

三

福建通志卷三十六

唐維城字邦翰嘉靖乙丑進士授南京工部主事主儀員稅課尋權蕪關關課多奇羨號為利藪維城規度定稅而以所徵解屬邑令已秋毫無所染歷郎中隆慶五年出知青州府政務寬大詢百姓疾苦躬躬循之平反冤獄以數百計會有詔問膠萊河維城以為工大難還就令百姓棄耕桑執耒揭徒勞費無益力陳其不可郡故不養馬有議當養馬如濟南維城抗言青州邊海斥鹵無所供牧且濟南以賦輕故養馬青州以不養馬故賦重今復益之是重困也事皆得寢郡稅三十餘萬徵收吏或稍為低昂維城請準輕重為權衡置權府庭令民自兌而輸之胥吏不得近撫按善其法檄州郡著為令時議以催科課吏嚴最維城賦不中程停勒常轉無何病郡人走望祈禱者如急父母卒士民為治喪及歸葬夾道哭聲不絕第師錫字邦魯隆慶元年舉人萬曆間知象山縣布衣蔬食宵旰皆畏之歲祲民饑督餉者讓師錫優期師錫曰吾忍以蔽尸殘民命耶寧坐催科

拙耳卒以下考去

鄭大機嘉靖中以孫爲饒州府安仁縣丞廉恕有爲善撫字鄰邑盜賊副使張九功督兵捕之大機營蓋居多兵所過秋毫無犯

卓鍾綸以據爲超後與賊戰殺三賊身亦被傷後還鎮遠府經歷

林錦字穀卿汝永孫也萬曆丙子舉人知臨淮縣中使李鳳以礦稅至所

過騷擾錦力與抗遂被誣奏廷杖下獄後因災異得釋里居十餘載以薦起而錦已卒

黃騰春字序賓父澤卒京師騰春偕母勞逆旅後以留守左衛籍第萬曆癸未進士始得奉父喪歸葬尋授行人歷戶部主事出知德安府郡有

大獄更數守不能決騰春一訊即伏辜當事者以爲請騰春堅持之郡人歎服然竟以此忤當事調高州母憂服闋卒家居族人有從盜者騰春召

誠諭之且與之資遂化於善

盧廷選字鉉卿萬曆壬辰進士知澹州鋤奸摘伏獄無滯訟時方興橫海

福建循吏傳

明一

三

福建通志
總卷三十六

舟師大軍出於澹供億驛騷少不給則立靡廷選駁應有方無敢譁者巨

瑤挾稅柄凌驛州郡廷選以民艱抗議詞色從容瑤慙沮而戢歷工部郎

中出知南昌府修東西二湖堤弛濬利以予民歷江西參政議減宗祿就

各宗見在之折額以均惠于待封之子孫時用其策諸邸悅從者爲令尋

以董語解組去家居數載復起爲湖廣參政修城垣繕干城爲固圉計盜

徐賓踰城剽巨室輿議以盜伏城中當排門大索廷選獨不謂然密遣邏

逐地跡之盜果獲卒於官方病中檄武昌嚴察郡獄多滯因勢將有變歿

數日而難作楚人以爲神云

林光庭字仲明萬曆甲辰進士知閩鄉縣明習吏事屢決疑獄調襄陽邑

盜充斥禦過客提子女光庭設方略擒之被誣左遷江西布政司檢校尋

知寧海縣數政寬平而御下嚴肅邑久困里役有保戶押差火耗滴珠等

離離者得其一言而決當道才之檄署英德知縣先是嶺南巨寇黃蕭養

爲事性慈惠每杖輒潛然隕涕致仕歸散僮僕僅存十餘金

林永諭初名齡以字行後更字延年順初以貢生授翁源教諭邑染吏

風承諭令諸生習禮三月方出詩書訓之負者助粟病者給藥令承事有

崇禎間以貢入太學官與國知縣士寇閩總擾吉賴興國爲賴門戶防守

客兵不能禦寇且肆掠衍培乃遷城內外壯丁激以忠義日夜訓練成精

銳遂請罷客兵復身先士卒屢挫賊邑恃無恐以薦授職方主事仍隸縣

事賊聞衍培遷官遂攻白羊埕又突犯良口衍培陰授將士策破之後遂

不敢犯

余鳳字慶之崇禎丁丑進士知宣城縣善折獄有數年不決者爲之一清

調實應又遷上虞時土賊竊發猝入城鳳率勇士巷戰格退之所擒獲即

察副使

周嬰字方叔崇禎壬午特賜進士授上猷知縣攝崇義軍實舊賦除橫征

市無強賈庭無留訟邑人德之

林之驥崇禎癸未進士授江陰知縣不解江南語時號爲林木瓜南郡失

守大兵過邑携鹽以賣民買者啟視皆銀也爭市之而兵不知既而兵欲

劫城其帥與之驥同鄉之驥乃出謁與閩語遂歛兵過而之驥遂棄官將去

諸生望之驥曰讀書登黃甲出仕不能爲朝廷出力尙欲事二姓耶予去

決矣有六白金在質庫中半與諸生半與百姓留數兩作途費而已遂去

仙遊縣

鄭熙字孔昭性鯁介不苟正統中由太學生授安遠知縣再補德安爲政

以節用愛人爲主有大事必屬耆老商榷可否議定然後行以故邑無失

政亦無冤民持身嚴潔時御史韓雍巡撫江西沙汰屬僚十去八九獨

稱熙爲廉官第一尋致仕歸

阮哲字原明正統間以例貢生試高等授長州府瀘溪知縣以勸課農桑

爲事性慈惠每杖輒潛然隕涕致仕歸散僮僕僅存十餘金

林永諭初名齡以字行後更字延年順初以貢生授翁源教諭邑染吏

風承諭令諸生習禮三月方出詩書訓之負者助粟病者給藥令承事有

作亂列郡被荼毒英德尤甚永詔招徠散亡賑貧蠲賦不數時復舊乃募義民築城垣徙廟學於城內暇則集生徒講學尋以疾卒孫賢事親至孝廬墓六年歲餞賻貧掩骼為誼甚高

何一鵠字子漸以諸生入太學嘉靖間官江南高郵州同訊讞有例金力卻之署興化縣事復侵地浚城濠政聲大起民立碑紀績

鄭廷環字仲甫官建昌府廣昌縣典史攝府司獄見冤囚輒泣下值歲時節因有父母者得保歸省視因感之無一遁去者

鄭瑞星字廷至萬曆丙戌進士知信陽州有巨室以獄求解不從忤當道改調崖州峒蠻久為民患瑞星恩威並用咸歸化遷刑部員外郎祭酒范應期被禍死妻擊登聞鼓訴冤瑞星力為代白朝論韙之轉郎中三殿災瑞星按臺瑯以法羣瑯交擠之左遷贛州通判贛閩稅為大瑯所攘瑞星奏請歸郡商舶數患盜劫瑞星擒賊首陳注華等殺之自是行旅無虞以終養歸

福建循吏傳明一

五

編通志卷三十六

林士程字爾瑞天啟間以諸生入國學授襄陽府照磨歲饑多鬻妻子者士程捐俸為代贖奉檄理樊城榷稅革除例派時魏瑞鶴柄監司議建生祠士程陰阻之及瑞敗監司以為賢檄署宜城穀城二縣事有廉聲嘗解邊餉十餘萬路過寇忽一人下馬拜曰此襄陽林府君為我贖妻子者也何敢負德立散還其眾且護之去後還襄府長史

王日新字學益宗禎間官松陽典史有巨盜湯八斤者糾黨剽掠臺檄日新往捕日新以計擒之於官領并其黨數人未幾卒

興化縣

何誠字則明永樂中貢生入太學授虹縣知縣自學宮至橋梁陂塘道路百廢俱舉訓誨生徒至吏胥子弟亦教之讀書習字每詣村落教民築堵植桑民久賴其利寇至以死誓神往往擒獲之秩滿以疾卒
周炎字廷聚正統戊辰進士授戶部主事土木之變炎提千卒分主給餉能以智自全寇去命監收京儲景泰初嚴收通州諸處芻茭出納嚴明宿

盡一洗天順敗元命吏部擇郎官御史有才望者為郡守炎得温州知府温州俗華侈巨室善事關節以立聲勢吏胥以賄充補炎正已率下訟獄無小大刻期與決諸奸利者相戒遁迹濱海地古沙漲民以病告炎按量得實為更正之致仕歸

平海衛

林大經字世典隆慶丁卯舉人授揭陽教諭視邑冢多善政擢知彭縣會揭陽令以艱去邑父老請大經留治當道疏請遂以揭陽易彭案前志作彭澤知縣時海賊林道乾林鳳勢甚猖獗大經繕甲增堡賊不敢近其境藍田山寇劉興策負險肆掠大經往誠招諭皆束身歸遂并賦其地摧石阡知府罷諸民所不便剖決無留

福建循吏傳明一

天

編通志卷三十六

福建循吏傳卷五

明二

泉州府晉江縣

史福字德有由貢生歷刑部有能名洪武二十二年遣諭天下武臣比還對稱旨授兵科給事中奉敕視鳳陵竣事擢四川按察使方觀遇疾失期降松陽知縣松陽民暴而好爭福至痛繩以法召見父老問政所急有所罷行尋乞歸養永樂中起知河池縣時縣佐陵暴其民民置匿山谷間縣佐懼以民叛白府聞於布政使發兵捕之福適至馳白得無事未幾以憂歸後補慶雲令卒子鏗雷州同知

鄭懋中名醇以字行洪武舉人知程鄉縣有豪猾吏爲民害者則按治之凡聽訟必委曲開諭其或未悟令退而自思民謠之曰鄭懋中真長者禁令不煩徭役寡斯民相見何嬌嬌昔日無端今有袴初程鄉民鮮知學懋中首作新學校親爲生徒講解自是始有登進士者一日感疾端坐而逝

福建循吏傳

明二

一

福建通志卷三十六

趙應字孟別弱冠爲諸生以望謬謫吏宣德間授南昌典史擢知浮梁縣捐教士民創懲奸猾縣滿九載民相率乞留陞六品秩仍知縣事丁母憂去

謝光字文耿正統間貢生授睢州知州戰奸盜復流移初戶口四萬閱三年增至七萬田賦增至七千宗室舊民田遺內臣追給光奏寢其事秩滿擢潮州知府備糧儲四十餘萬以防災浸修築石磯三十有二以殺水勢爲涵溝十有六以洩於海海寇羅劉甯亂數載郡邑莫能制光一鼓討平之擒賊曾秉寬鄭金龍鄭金千等城廢洞流劫饒平黃岡等村擒其渠魁誅之又遺孽黃阿三作亂親入其營招撫之獲賊首餘黨悉降

諸葛隆字思憲祖珪字楚賢少好學倜儻尙氣節洪武十年辟爲從事珪託疾不出越四年復以明經徵將授職復以疾歸父文字孟文二十二年以稅戶人材舉補太學生歷汾陽泗水靖安安福典史能勤叩民隱居安福八年秩滿民遮留者數千事聞擢御史以老疾辭隆正統中貢入太學

授寧海知縣莅政清謹凡百徵發一循至公民稱慈父逃亡聞之相率復業尋以母老乞休子麟字文瑞持身方正隆將之官以母屬驛母病篤割股愈之父疾良醫論禮歸絕方蹏

張惠字克仁授龍游知縣處州寇邊境官民欲竄惠召聚誓曰賊至而走是棄民也何以官爲惟有與城俱亡耳於是民心始固寇竟他適

田昂字景瞻弘治成進士授南京戶部主事遷吏部郎中出知寶慶府岷嶺校卒驕悍昂嚴之以法楚地開曠教之樹藝發金都羅多種千斛以興民每麥熟民相語曰生我者田父也出以親老乞歸昂家居思機開門知府王士俊立善俗坊表之昂字景玉弘治舉人知州州值歲凶軍興多方撫賑武當山鎮中官貪虐昂力制之爲所銜故事州官朔望謁山道士當迎中官故令道士不爲禮以激怒昂昂怒答道士中官遂毀廟置萬威牌誣奏昂逮繫至京時劉瑾用事擢成重獄大理卿熱忠疏雪其誣得削籍歸均州人謠曰太守憂民抗猛虎直道難容葉如土

福建循吏傳

明二

二

福建通志卷三十六

王謙字子幹弘治丙辰進士知宜興縣均徭役時賦剝奸蠹太湖盜發錄聚眾備禦宋元水寨遺址立堡二十建警樓十二募丁壯守之寇至合剿寇退歸農民不知勞寇亦息警陞南京大理評事轉寺正擢惠州知府歸所居深溪額海衛寇肆掠毀民室盧錄倡議防禦選丁壯編隊伍利器械授戰法而約束之後寇再至眾如法擒之

陳寧字士泰弘治壬戌進士授東莞知縣剛方廉介縣有帶獄久不決寧一訊立凋大批數語歸庭下兩造各無後言由是老猾豪右皆惕縮不敢肆東莞大治政暇召諸生課試之以所得發其疑使各自思而因以授之窮鄉遐里皆知向學

黃援字純玉弘治進士除長山知縣值山東旱蝗援多方賑濟鄰境饑民悉來就食有老嫗子商販戕於盜久不知至名援計獲之凡青齊有疑獄潘杲檄援鞠無不得情者應遷戶部郎中出知肇慶府修隄防轉戎事恩平賊首蘇寬唐國禎相繼作亂集民兵剿滅之論功進三品秩既廣西盜

起復統慶兵會捕卒於官

林鉞字宏用正德進士知崇仁縣請改折京兌二米鉞年少才高宸濠欲致之鉞曰今可屬錢死不可易肝膽也改知增城還南京戶部郎中出知太平府與賢造士養老恤孤當築姑溪壩建亭其上由是水濬折不苦衝決又裁采石諸役供應丁夫車馬政舉長召民種荒田省浮費金數千增穀至十萬餘石又奏免水旱災地清豪右所匿田以歸於學子太毓字希甫被嫡母杖笑受之危則匿未嘗有怨聲

張良實初名文會字廷際為吳江典史邑稱富劇良實佐理有餘乃鄰邑所編徭冊民屢怨不能定知府胡某盡以屬良實比册出無復怨者有巨姓通租萬斛重賂求緩良實去之通乃畢輪巡按御史高世魁以直諫忤旨就逮屬吏皆避去良實獨周旋懇至志還為常州知府良實致仕歸舟次錢塘忽一人懷五百金入曰常州民某獄冤得公子辨釋以此為報良實峻卻之志還字以學嘉靖進士知諸暨縣歷戶部主事擢知常州福建循吏傳明二

值海上寇作奉檄泊兵寇平錄功為最

黃浩字昭卿嘉靖初貢生調遷得高明州同巡撫有所咨訪浩條上十六事皆切時政署會州知州故州城為叛酋安銳攻毀浩築以石昔沙河敵一州秋冬恆苦涸乃築壩時其蓄洩州東北接東川武定尋甸諸界悍夷出沒浩據要害嚴戍守盜賊屏息乃廣儲蓄平差遣舉屯政限界田次第舉行又議調軍改路等十事上之當道既而乞歸

李仁字靜甫少慧強識嘉靖舉鄉試授惠州推官繩奸吏以法民有非辜者悉平反之句稽潮州主藏吏更多侵牟陰以賄求脫立卻之按如法巡按至惠州其所親為奸利仁持之急巡按不憚仁曰吾愛此三尺法還恤其他巡按委仁督運欲藉此罷之已知仁卻舟車費乃歎服推重署府事盡罷諸不便者脫博羅良民數十人於死與軍餉發廩捐貲以賑擢戶部主事值邊警獨築立辦尋視京倉時錦衣陸炳勢重門隸蠶食取利一啓倉輒譁而入仁立杖之炳大恚然無如何總理孫某欲私其里人委監收

仁白與例相左一運官上歲餉不如格出籍書為解仁弗啓曰總理安得有書倘也孫益怒以蜚語聞部堂官素知仁令散鹽南畿命下而卒子光緒字宗誦萬曆舉鄉試第一屢困會試遂絕意仕進著述甚富

尤離字國禎嘉靖舉人授武城知縣地當孔道流移轉徙幾不可為至則問疾苦罷不經之費與民休息捕巨猾商風鳴置之法有兄弟相訟至白首不已離呼至庭諭以天性皆感泣委訊諸鄰縣獄多平反縣接壤恩縣患水利不通民多失業為相度疏築兩邑父賴焉擢南京戶部主事卒子應魯字爾言萬曆進士授建昌府新城知縣移寧海縣為浙東劇邑俗梗悍武斷持有司短長應魯嚴治之大猾斂手歲大禮捐俸發廩以賑民民碑紀之調泗水值大災躬歷郊野巡視全活民二十餘萬先是奸民具狀請勸借富民應魯曰如此豈惟害及富民終必殃及爾身碎其牘羣議乃息至是民益歡呼遷戶部主事應魯中筭倉場權閣稅視太倉銀庫皆瞻然不忤擢江西按察副使命下而卒

汪旦字仲昭嘉靖進士知金谿縣縣天竺寺有子孫堂四方婦女為求嗣禱宿其中歸多娠旦疑之召妓女偽民婦往授朱墨識曰夜有人就若則塗之越日昧爽行香詣寺僧悉出迎則身染朱墨者數輩遂收繫獄初昏時忽心動命遣者伏獄左右是夜繫僧果發獄出與遷者格鬪不勝乃伏誅旦謂僧破械奪門必有外應更趣眾趨寺掠之至則已列杖明火將出急擊者就擒遂廢其寺之地道復壁及諸幽祕為奸狀容金數萬則陰行剽所得也事聞尋擢御史以言事忤當事歸

福建循吏傳明二

四

福建通志卷三十六

李一德字恒甫嘉靖舉人知陽山縣縣接廣西猺獠屢竊發時方大征一德先轉民而後除盜以教化風俗為先作保甲法令民自察匪類盜賊稍息乃立鄉塾教民子弟進諸生講學邑苦州差督稅行捕所在釋驢請罷之著為令總督征夷道經陽山一德為按地形指陳要害與賊虛實淺深之狀身率將士調糧食繼之戰屢捷復招撫大小蕉坑南北二水黃潭石角諸寨諭以禍福期與自新咸遵約束捷聞擢濟寧知州濟寧當運